



Broj: 11-02-22569-2/18

Datum: 21. 5. 2018. godine

SVIM OSNOVNIM ŠKOLAMA NA PODRUČJU KANTONA SARAJEVO
n/r direktora/direktorice

**Predmet: Informacija o provođenju eksterne procjene znanja za treći i šesti razred
u osnovnim školama u Kantonu Sarajevo, dostavlja se**

Cijenjeni/Cijenjena,

u skladu sa članom 24. Zakona o osnovnom odgoju i obrazovanju ("Službene novine Kantona Sarajevo", broj 23/17, 33/17) u školskoj 2017./2018. godini će se provesti eksterna procjena znanja učenika osnovnih škola na području Kantona Sarajevo iz nastavnih predmeta Bosanski, hrvatski, srpski jezik i književnosti, Matematike i prvog stranog jezika.

Cilj provođenja eksterne procjene znanja je sistemsko unapređenje kvaliteta odgojno-obrazovnog procesa. Eksterna procjena znanja se provodi po modelu eksterne mature i realizira se anonimno. Rezultati eksterne procjene znanja se ne ocjenjuju i ne utiču na zaključnu ocjenu.

Za pripremu učenika koristiti kataloge pitanja, dostupne na web stranici Ministarstva za obrazovanje, nauku i mlade Kantona Sarajevo. Testovi će biti pripremljeni isključivo od pitanja iz objavljenih kataloga.

Zbog prostorne organizacije termini provođenja eksterne procjene znanja učenika će biti različiti za treći i šesti razred. Eksterna procjena znanja za treći razred će se realizovati drugi čas u prvoj ili drugoj smjeni. Eksterna procjena znanja za šesti razred će se realizovati treći čas u prvoj ili drugoj smjeni.

Također je važno napomenuti da je neophodno obezbijediti adekvatne uslove za provođenje eksterne procjene znanja učenika iz nastavnog predmeta Engleski jezik. Naime, zbog ispitne oblasti *Slušanje* potrebno je u svakom kabinetu u kojem će se provoditi eksterna procjena znanja učenika obezbijediti kompjuter ili CD player kako bi se mogao realizovati pomenuti dio procjene. Upotreba vizuelnog pristupa u nastavi engleskog jezika upućuje na preporuku da se testovi iz nastavnog predmeta Engleski jezik za 3. razred isprintaju u boji.



Termini za provođenje eksterne procjene znanja učenika za 3. i 6. razred osnovne škole

(4. 6. 2018. - 8. 6. 2018.)

RAZRED	DATUM	TERMIN	NASTAVNI PREDMET
III	4. 6. 2018. (ponedjeljak)	(2. čas)	Bosanski, hrvatski, srpski jezik i književnosti
	6. 6. 2018. (srijeda)	(2. čas)	Prvi strani jezik
	8. 6. 2018. (petak)	(2. čas)	Matematika
VI	4. 6. 2018. (ponedjeljak)	(3. čas)	Bosanski, hrvatski, srpski jezik i književnosti
	6. 6. 2018. (srijeda)	(3. čas)	Prvi strani jezik
	8. 6. 2018. (petak)	(3. čas)	Matematika

U prilogu vam dostavljamo Upute za realizaciju testa iz nastavnog predmeta Engleski jezik, oblast *Slušanje*.

S poštovanjem,

MINISTAR

Prof. dr. Elvir Kazazović



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

